



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: 01 _____/14

Datum: _____ .2014. godine

NACRT

Na osnovu člana 8. i člana 13. Zakona o principima lokalne samouprave u FBiH ("Službeni novine FBiH", broj: 49/06) i na osnovu člana 14. Statuta Općine Tešanj ("Službeni glasnik Općine Tešanj", broj: 11/07), Općinsko vijeće Tešanj na svojoj ____ . sjednici održanoj dana ____ .2014. godine, donosi

ODLUKU

**o nazivima i označavanju ulica, trgova i označavanju objekata brojevima
na području Općine Tešanj**

Član 1.

(1) Ovom Odlukom utvrđuju se nazivi ulica i trgova, uređuje označavanje ulica i trgova nazivima i zgrada i građevinskih parcela kućnim brojevima, kao i vođenje registra ulica, trgova i kućnih brojeva.

Član 2.

- (1) Nazivi ulica i trgova dodjeljuju se područjima, u dijelovima naseljenih mjesta, koji će u ovoj Odluci nositi nazive **Tešanj, Jelah i Tešanjka**.
- (2) Izuzetno od odredbi iz prethodnog stava ovog člana posebna područja za dodjelu brojeva objektima, mogu se odrediti **poslovnim zonama**.
- (3) Plan podjele na ulice, trgove i poslovne zone, kao grafički prikaz obuhvata ulica i trgova, sastavni je dio ove Odluke.

Član 3.

(1) Nazivi ulica i trgova sa opisom početne i krajnje tačke ulice ili trga, u Jelahu su:

1. Ulica Titova - *od mosta u Mračaju do raskrsnice magistralne i regionalne ceste*
2. Ulica Alije Isakovića - *od mosta na Usori preko raskrsnice prema Piljužićima do granice naseljenog mjesta Jelah-polje*
3. Ulica Mustafe Ćemana - *od Ulice Titova do mosta na Usori prema Piljužićima*
4. Ulica Braće Kotorić - *od Ulice Titova do mosta na Radušici prema Tešnju*
5. Ulica 1.marta - *od Ulice Titova do Ulice Jelaškog odreda*
6. Ulica Muse Ćazima Ćatića - *od Ulice Braće Kotorić putem prema Jevadžijama do raskrsnice sa putem prema Mračaju, te krak koji se odvaja za Mešiće*
7. Ulica 25.novembra - *od Ulice Titova do kraja ulice koja ide pored ureda Župe Jelah*
8. Ulica kralja Tvrtka - *iz Ulice Titova (kuća Saliha Karahodžića) do kuće Jure Martinovića*
9. Ulica Pousorska - *od kuće Envera Karahodžića izlazi na rijeku Usoru (kod Begovog mlina)*
10. Ulica Kasima Salkičevića - *od Ulice Titova do Ulice Pousorska (početak preko puta Vemal-ovog skladišta)*

11. Ulica *Željeznički prolaz - od Ulice Titova, pored stare željezničke stanice do Mujčića kuća*
12. Ulica *Ciglanska - od Ulice Husein-kapetana Gradaševića, pored kuća Kotorića, do industrijske zone Ciglana*
13. Ulica *Ribarska - od Ulice Husein-kapetana Gradaševića, pored restorana "Sunce", do klaonica na rijeci Usori*
14. Ulica *Vakuf – od Ulice 1.mart do džamije u Jelahu*
15. Ulica *Sakiba Subašića Mange – Od Ulice 1.marta do Ulice Muse Ćazima Ćatića (kroz Subašiće)*
16. Ulica *Skendera Kulenovića – od Ulice braće Kotorić, prva ulica od puta za Jevadžije prema Jelahu*
17. Ulica *Meše Selimovića – od ulice braće Kotorić, druga ulica od puta za Jevadžije prema Jelahu*
18. Ulica *Safvet-bega Bašagića – od ulice braće Kotorić, treća ulica od puta za Jevadžije prema Jelahu*
19. Ulica *Sječanska – od Ulice braće Kotorić, četvta ulica od puta za Jevadžije prema Jelahu*
20. Ulica *Mostarska – od Ulice Husein-kapetana Gradaševića, paralelno sa Ciglanskom ulicom (pored TIK-a)*
21. Ulica *Maka Dizdara – od Titove ulice, pored proizvođača sokova "Iva"*
22. Ulica *Jelaškog odreda – od Ulice Muse Ćazima Ćatića do Mračajske rijeke*
23. Ulica *Armije BiH – od Ulice 1.marta do Željezničkog prolaza*
24. Ulica *Husein-kapetana Gradaševića – od raskrsnice u centru do mosta na Radušici (prema Doboju)*
25. Trg *branilaca BiH – prostor u centru, omeđen Titivom ulicom, Ulicom Armije BiH i Željezničkim prolazom*
26. Ulica *Samira Mehinovića – od Ulice 1.mart, kod kuće Tahe Mehinović, do kuće Saliha Sadikovića*
27. Ulica *donja Sječa – od Ulice braće Kotorić, kod kuće Ibri Pašića, do kuće Ibrahima Mahmutefendića*
28. Ulica *donja Sječa 1 – od Ulice braće Kotorić, kod kuće Seada Hanića, do kuće Huse Memića*
29. Ulica *Teslička – od Ulice braće Kotorić, kod kuće Džafera Kotorića, do kuće Adema Brkovića*
30. Ulica *Nikole Šopa – od Titove ulice, kod kuće Ahmeta Hankića, do kuće Marijana Martinovića*
31. Ulica *dr. Vladimira Preloga – odvaja se iz Ulice Husein-kapetana Gradaševića, kod kuće Ašira Hrvića, i ide do kuće Muhameda Ahmića*
32. Ulica *dr. Mehmeda Spahe – odvaja se iz Ulice Husein-kapetana Gradaševića i ide do kuće Vahmeta Karahmeta*
33. Ulica *Alekse Šantića – odvaja se od Ulice Alije Isakovića, kod kuće Miralema Ćemana, i ide do kuće Vlade Mandića*
34. Ulica *Muje Đonlagića – odvaja se iz Ulice 9.septembar, kod kuće Šemse Jašarevića, i ide do kuće Vojke Stevanovića*
35. Ulica *Ivana Franje Jukića – iz Ulice 25. novembra (kod kuće Mladena Prodića) odvaja se od kuće Ivice Martića*
36. Ulica *Hasana Kjafije Prušćaka – iz Ulice Armije BiH (kod kuće Franje Bagare) odvaja se do kuće Irfana Karahmeta*
37. Ulica *Srebrenička – iz Ulice Armije BiH (kod kuće Seada Kadušića) odvaja se od kuće Zihe Karabegović*
38. Ulica *bana Kulina – iz Ulice Armije BiH (kod kuće Bisere Mulić) odvaja se do kuće Edine Muharembegović*

39. Ulica Dobojska – iz Ulice Sakiba Subašića Mange (kod kuće Muharema Subašića) odvaja se do kuće Zehrudina Mustajbašića
40. Ulica Adila Ahmića – od raskrsnice u Jelah Polju prema Miljanovcima pa do raskrsnice za Omanjsku
41. Ulica Braće Omerbašić – od raskrsnice za Omanjsku prema Miljanovcima, pa do raskrsnice puteva prema Miljanovcima i Novim Miljanovcima
42. Ulica Bunari – od benzinske pumpe “Čeman-Energoprom” i skretanja za Sivšu do granice općine Tešanj prema općini Usora
43. Ulica braće Jašarević – iz Ulice 25.novembar odvaja do kuće Milice Jaskić do kuće Bećira Hasića
44. Ulica Adema Omahića Omahe – novi dio regionalnog puta pored doma u Jelahu od magistralnog puta Doboj-Teslić do regionalnog puta Tešanj-Prnjavor
45. Most Lejle Mulalić - most na rijecu Usori od Jelaha prema Piljužićima

(2) Nazivi ulica i trgova sa opisom početne i krajnje tačke ulice ili trga, u Tešnju su:

1. Trg Gazi Ferhat-bega – između ulica Titova, Enesa Galijaševića, i 9.septembra (gornja čaršija)
2. Ulica Titova - od Trga Alije Izetbegovića do Trga Gazi Ferhat-bega (poznata kao “karaula”)
3. Ulica braće Pobrić - od mosta kod hotela do potoka zv. Smrdelj, prema Dobropolju
4. Ulica Senada Hodžića - od Ulice braće Pobrić (kod lovačkog doma) putem prema gornjem Dobropolju do raskrsnice sa Ulicom Meše Selimovića
5. Ulica Patriotske lige – od raskrsnice kod MUP-a do raskrsnice prema Dolcu
6. Ulica Hajrudina Hajdića – od raskrsnice kod zgrade stare Gimnazije do Gradske Biblioteke
7. Ulica Meše Selimovića – od ulice braće Pobrić (preko puta OŠ Huso Hodžić) do ulice Kose
8. Ulica Obala – od mosta na rijeci Tešanjci kod sportske dvorane OŠ “Huso Hodžić”, putem na lijevoj obali rijeke Tešanjke do mosta na “sastavcima” do ulice Patriotske lige
9. Ulica Srebrenička – od ulice braće Pobrić (kod Vakufske banke), prema Tepetu do raskrsnice prema Hrvatinićima kod greblja
10. Ulica Armije BiH – od ulice Srebrenička ptem ispod bivšeg biroa za zapošljavanje do kuće raskrsnice sa ulicom Safvet-bega Bašagića i puta -nogostupa koji ide prema ulici kralja Tvrtka
11. Ulica Safvet – bega Bašagića – od ulice Armije BiH (kao nastavak te ulice) do ulice Skendera Kulenovića
12. Ulica Skendera Kulenovića – od ulice kralja Tvrtka, kroz Hrvatiniće do groblja na Hrvatinićima (spoj sa ulicom Srebrenička)
13. Ulica Nedžada Šaranovića – od ulice Izudina Aličehajića (raskrsnica regionalnog puta i puta prema toplani i džamiji u Bukvi) prema džamiji u Bukvi
14. Ulica kralja Tvrtka – od mosta kod Doma kulture do mosta kod Elektrodistribucije (objekta “katanga”)
15. Ulica 1. marta – od hotela, pa pored Doma kulture do Ulice kralja Tvrtka
16. Trg Alije Izetbegovića – od mosta kod hotela do mosta kod doma kulture
17. Ulica muftije Mesuda ef. Smailbegovića – od trga Alije Izetbegovića (most kod hotela) pored motela RM
18. Ulica Nisama Albaharija – od TR Mobil studio 3 (u kući Muje Smailbegovića) do kuće Hamze Galijaševića
19. Ulica tešanjskih brigada – od raskrsnice ulica Nisima Albaharija i Momana Topreka (raskrsnica prema izvoru Kosovac) do kantića kuća (tzv. bagalin put)
20. Ulica dr. Adema Handžića – ulica poznata kao “Smailbegovka”

21. Ulica braće Mulabećirović – *od apoteke Tefarm do gornjeg sokaka (poznata kao “Kapa”)*
22. Ulica Šehagića prolaz – *od Muftijinog konaka pored harema čaršijske džamije, lijevi i desni krak*
23. Ulica Momana Topreka – *od Ulice Nisima Albaharija (raskrsnica prema izvoru Kosovac i početka Bagalinog puta) do kuća na Gaj-u lijevi i desni krak*
24. Ulica Husage Ćišića – *od ulice Enesa Galijaševića (Numeri) putem kroz vakufsku zemlju do ulice Hamzalije Ajanovića (gornji sokak)*
25. Ulica Srkalovića prolaz – *od ulice Hamzalije Ajanovića (kod izvora “Sejda”) do ulice Husage Ćišića*
26. Ulica Tabačka – *od Ulice Momana Topreka (pod Gajem) do zgrade Medžlisa Islamske zajednice*
27. Ulica Hamzalije Ajanović – *od “kovačnica” do kraja ulice (gornji sokak)*
28. Ulica Enesa Galijaševića – *od Trga Gazi Husrev – bega pored greblja “Donlagička” (Numeri) do raskrsnice puteva prema Ravnama*
29. Ulica Adema Prnjavorca – *od objekta Vemal-a uzvodno potokom Serava do kraja puta (poznata kao “mala Serava”)*
30. Ulica Kemala Korajlića – *od ulice Enesa Galijaševića do ulice Adema Prnjavorca*
31. Ulica Abdurahmana Mešića - *od objekta Vemal-a do kuća Brakovića*
32. Ulica Ali – paše Hećimovića – *od objekta Vemal-a do raskrsnice na Krndiji*
33. Ulica Edhema Mulabdića – *od Bukvića dućana do kuće Brakovića*
34. Ulica Vilaševića prolaz – *od kuće Širbegovića do kuće Esada Vilaševića*
35. Ulica Safeta Hadžihasića – *od ulice Titova, ispod Gradine do parkinga na rijeci Tešanjci preko puta doma kulture*
36. Ulica 9. septembra – *od Vemal-ove upravne zgrade do mosta kod objekta “Katanga” (put prema poslovnici elektrodistribucije sa krakom koji izlazi na trg Gazi Ferhat-bega (poznata kao “Serava”)*
37. Ulica Mehinagića prolaz – *od kuće Ediba Mehinagića do kuće Avdije Adžamije*
38. Ulica Kose – *od spoja ulica Senada Hodžića i Meše Selimovića, putem prema gornjem Dobropolju do spoja sa ulicom Meše Selimovića,*
39. Ulica Todora Vujasinovića – *iz ulice Srebrenička pored ulaza u pravoslavno groblje pa do kraja puta*
40. Ulica Antuna Branka Šimića – *od ulice Srebrenička do Kahvića parcele*
41. Ulica Tepe – *prva ulica desno iznad vode “Tepe” do raskrsnice i spajanja sa ulicom Ahmetagića put*
42. Ulica Nesuha Mešića – *iz ulice Abdurahmana Mešića, prva ulica lijevo od Vemal-ove upravne zgrade*
43. Ulica Oruči Sufi – *put pored zgrade općine do Hamza – begove džamije*
44. Ulica Zija – bega Đonlagića – *iz Ulice Enesa Galijaševića pored vakufske kuće do kraja puta*
45. Ulica Rudolfa Zaplate - *od ulice Enesa Galijaševića putem prema potoku Serava (donji dio greblja Đonlagička)*
46. Ulica Abdulah – paše Defterdarije – *put od lagera Šemsudina Ibrhaimovića do kuće Paše Bešlagića*
47. Ulica Harman – *od ulice Ali-paše Hećimovića prema Harman – džamiji (džamija na Guvnima)*
48. Ulica Sulejmana Seida Hasanbegovića – *od Ulice Ali-paše Hećimovića do Harman – džamije*
49. Ulica Karavanski drum – *između Ulice Enesa Galijaševića i Ulice tešanjskih brigada*
50. Ulica Ravne – *od ulice tešanjskih brigada do raskrsnice na Ravnama (kod igrališta)*

51. Ulica Ošljak – *od ulice Patriotske lige (kod TOŠK – ovog stadiona) do raskrsnice na Ravnama (kod igrališta)*
52. Ulica Kotlanice – *od mosta na Mekiškoj rijeci kod preduzeća RAD do džamije u Kotlanicama*
53. Trg žrtava 3. augusta – *prostor između Ulice Patriotske lige i mosta prema Kotlanicama*
54. Ulica Palestinska – *od Ulice Kotlanice pa do imanja Azema Mulalića*
55. Ulica Dolac – *od Ulice Patriotske lige do kuće Mehe Artukovića*
56. Ulica Dolac 1 – *od ulice Dolac do džamije u Kotlanicama*
57. Ulica Karamutovi – *od Ulice Senada Hodžića do kuće Fuada Karadžehenemovića*
58. Ilirski trg – *put koji se odvaja sa Trga Gazi Ferhad – bega prema Gradini*
59. Ulica Kemala Brkića – *od zgrade Mjesne zajednice kroz zanatski centar do ulice Titova*
60. Ulica Envera Ajanovića – *od Ulice Armije BiH do kuće Emine Ajanović*
61. Ulica Krndija – *obuhvata područje stambenog naselja krndija (TKD i novi objekti HG)*
62. Ulica Izudina Alićehajića – *od kružnog toka na ulazu u Tešanj do potoka Vranduk u Bukvi*
63. Ulica Ahmetagića put – *od ulice Srebrenička pored greblja Obješenica do raskrsnice i spajanja sa ulicom Tepe*
64. Ulica Saliha Sarića – *od trga Gazi Ferhat-bega do ulice 9.septembar*

(3) Nazivi ulica i trgova sa opisom početne i krajnje tačke ulice ili trga, u Tešanjci su:

1. Trg žrtava 8.oktobra – *na raskrsnici puteva Doboj – Teslić - Tešanj*
2. Ulica 27. jula – *od mosta na rijeci Tešanjci na starom putu za Doboj do kuće Emira Muminovića (na magistralnom putu prema Doboju)*
3. Ulica Alije Izetbegovića – *od Ulice 27. jula putem prema Lepenici do prvog potoka na tom putudo*
4. Ulica Rusmira Maglića – *putem za staro Kraševo od kuće Enesa Bekrića do muslimanskog greblja sa desne strane puta*
5. Ulica 25.novembar – *od limarske radnje “MBA” do kuće Ivana Dadića*

(4) Nazivi poslovnih zona na području općine Tešanj u okviru kojih će se izvršiti numerisanje kućnim brojeva su:

1. Industrijska zona “Bukva” - *područje od toplane do potoka Vranduk, između regionalnog puta Tešanj-Šije i rijeke Tešanjke*
2. Poslovna zona “Vila” – *područje od potoka Vranduk do puta za Dubalj sa lijeve i desne strane regionalnog puta Tešanj-Šije kako je predviđeno regulacionim planom “Vila”*
3. Poslovna zona “Ciglanina” – *područje bivše ciglane sa objektima smještenim južno od magistralnog puta*
4. Poslovna zona “Ekonomija” – *područje koje obuhvata “FAD” i poslovni objekti istočno od FAD-a i sjeverno od magistralnog puta*
5. Poslovna zona “Glinište” – *područje poslovne zone predviđene na istočnoj strani RP Gliniše*

Član 4.

(1) Nazivi ulica i trgova ispisuju se u skladu sa Ustavom i Zakonom kojim se uređuje službena upotreba jezika i pisma.

Član 5.

(1) Označavanje naziva ulica i trgova vrši se postavljanjem tabli od trajnog materijala.

(2) Table sa nazivima ulica postavljaju se u skladu sa planom o označavanju kojeg sačinjava nadležna Služba.

(3) Pločica sa kućnim brojem postavlja se na zgradu ili u građevinsku parcelu tako da je vidljiva s ulice a izrađuje se od trajnog materijala.

(4) Na tablici, ispod broja zgrade ispisuje se naziv ulice ili trga.

(5) Dodjela kućnih brojeva po ulicama, trgovima vrši se na osnovu plana dodjele kućnih brojeva kojeg sačinjava nadležna Služba.

Član 6.

(1) Za dodjelu kućnog broja, troškove nabavke i postavljanje pločica s kućnim brojevima plaća se naknada.

(2) Naknada se uplaćuje u korist Budžeta općine Tešanj.

Član 7.

(1) Nadležna Služba uspostavlja i vodi Registar naziva ulica, trgova, privrednih zona i kućnih brojeva na području Općine Tešanj - Adresni registar.

Član 8.

(1) Ovlašćuje se Općinski Načelnik da donese propise o veličini, obliku i boji ploča sa nazivima ulica, trgova, privrednih zona kao i pločica kućnih brojeva, visinu naknade iz člana 6. Odluke, kao i ostalo što je potrebno za provođenje ove Odluke.

Član 9.

(1) Općinski komunalni inspektor je dužan pratiti provođenje ove odluke, kao i vršiti nadzor u smislu otkrivanja protivpravnih radnji propisanih ovom Odlukom.

(2) Općinski komunalni inspektor može izreći novčanu kaznu za prekršaje i protivpravne radnje iz ove Odluke u visini od 30 do 100 KM a naročito za neovlašteno označavanje, skidanje, oštećivanje ili narušavanje izgleda tablice s kućnim brojevima ili table s nazivima ulica, trgova i poslovnih zona.

Član 10.

Stupanjem na snagu ove Odluke prestaje da važi primjena Odluke o izmjeni naziva ulica i trgova u Tešnju, Jelahu i Tešanjci ("Službeni glasnik Općine Tešanj", broj: 4/05, 6/05 i 2/13).

Član 11.

Ova Odluka stupa na snagu narednog dana od dana objavljivanja u „Službenom glasniku Općine Tešanj“.

PREDSJEDAVAJUĆI VIJEĆA

Fuad Šišić, dipl.ing.maš.

I PRAVNI OSNOV

Pravni osnov za donošenje ove Odluke sadržan je u članu 8. i članu 13. Zakona o principima lokalne samouprave u FBiH ("Službeni novine FBiH", broj: 49/06), te u članu 14. Statuta općine Tešanj ("Službeni glasnik Općine Tešanj" broj 11/07).

II RAZLOZI DONOŠENJA ODLUKE

Razlozi za donošenje nove Odluke su:

1. Nastavak ativnosti na uređenju imenovanja ulica i trgova,
2. Stvaranje pretpostavki za uvođenje Adresnog registra na području Općine Tešanj,
3. Ispravka uočenih tehničkih grešaka i nedostataka u ranijoj Odluci,

Ovom Odluku nije vršena promjena naziva i ulica (zadržani su stari nazivi), nego su izvršene izmjene u definisanju početka i kraja ulice, budući da su ranijoj Odluci početak i kraj ulice definisani po vlasnicima kuća i objekata koji su aktuelni samo u nekom vremenu i promjenjive su kategorije, a sada su isti definisani prema poznatim toponimima.

Takođe novom Odlukom uvodi se plan podjele na ulice i trgove sa grafičkim prikazom.

Adresni registar je baza podataka o ulicama i trgovima te je predviđeno da ova baza bude jedinstvena za sve korisnike podataka o adresama na području cijele općine.

Od katastarskog premjera i označavanja kućnih brojeva 1977. godine pa do danas izvršeno je u nekoliko navrata samo imenovanje ulica i trgova, te obzirom da je već duži niz godina ovo područje prilično zanemareno danas imamo situaciju da na određenim područjima (dio Tešnja, Jelaha i Tešanjke) imamo nazive ulica i trgova, ali nemamo zgrade označene kućnim brojevima. Uslijed privrednog razvoja došlo je do brze izgradnje velikog broja objekata na području općine ali niti jedan privredni subjekt nema neku preciznu adresu.

Brojni su razlozi zašto je važno imati tačnu adresu, a pomenut ćemo samo neke od njih: isporuka poštanskih pošiljki, podatak o samoj lokaciji gdje se nalazi zgrada (nekretnina), razne vrste intervencija (hitna služba, vatrogasna služba, komunalna služba, policija i sl.), dostupnost za primanje i davanje raznih vrsta zanatskih i uslužnih djelatnosti, mogućnost korištenja modernih tehnologija za traženje lokacija –GPS navigacija itd. Važnost logičkog, dosljednog i organiziranog adresiranja utiče na kvalitetu usluge dostupne svim građanima, a može osjetno poboljšati kvalitet života u zajednici. Pored navedenog tačna adresa stvara pozitivnu i progresivnu sliku kako stanovnika, tako samog naseljenog mjesta i općine Tešanj.

U vezi sa provođenjem Odluke predviđeno je da Općinski načelnik donese poseban provedbeni propis – Pravilnik, kojim će se detaljno opisati i propisati sve ono da bi u konačnici imali obilježene ulice nazivima i obilježene objekte brojevima.

Na zahtjev stambenog naselja "Krnđija" Komisija za dodjelu počasnih naziva dostavila je prijedlog naziva ulice koji je u ovoj Odluci uvršten, kao i izmjena naziva ulice "ADRA". Zbog preklapanja ulica dr. Muhameda Hadžijahića i Husage Čišića (ulica Hadžijahića je dio ulice Husage Čišića) te je izbrisana ulica dr. Muhameda Hadžijahića.

U prilogu ove Odluke nalazi se grafički prikaz plana podjele na ulice i trgove, kopija Zapisnika i Prijedloga Komisije za dodjelu počasnih naziva, kao i ranija Odluka u kojoj se nalazi detaljni opis o razlozima za davanje naziva ulice ("Službeni glasnik Općine Tešanj", broj: 4/05).

OBRADIVAČ

Služba za katastar, urbanizam
i imovinsko pravne poslove

PREDLAGAČ

Općinski načelnik

Nadir Medarić, dipl. ing. geodezije

Mr.sci. Suad Huskić, profesor

Broj: 02-31-8-58-78/14.
Datum: 04.11.2014. godine